



In dumënia ai 06 de Máí éł gnü sughé la cuinta partida dl ritorno dl campionat 2011/2012 de 3° categoria por La Val. La partida é gnüda sugada te cíasa contra la squadra da San Laurënz (che é prüm dan Aicha).

San Laurënz mostra ince sön le ciamp da La Val che ai é prüms te campionat. Cun en 1 a 3 esi bugn da bater La Val.

La squadra da La Val ne é nia stá bugn te chësta partida da proseguí la buna seria de partides. Soradüt tl prüm tēmp ne esi nia stá bugn da fá en bel jüch, sbalian tröc passaggi elemetari y ruvan mai te partida.

Insciö garetel ince le prüm gol por San Laurënz. La Val perd na pala tratan en aziun ofensiva, insciö nascel en bel contropiede. Le capitan di avversarsc se porta jö por la fascia y fesc na bela combinaziun cun le atacant. Al ciafa la pala sön le pé, le tiro vëgn cíamò devié da en defensur. Spo rōia la pala sön le prüm palo, Sepl é cíamò bun da la devié, mo nia assa y rōia insciö te porta. San Laurënz á la partida tles mans, La Val ne é mai prigorusc. Mo ai é impò bugn da tigní le 0 a 1 cina ala fin dl prüm tēmp.

Tl secundo tēmp vara en pü damí cun le jüch. La Val é bugn da costruí en per de beles aziuns, mo al ne basta nia por fá le gol. La desfortüna é ince cíamò por La Val. Le arbiter fischia en rigore inesistente contra La Val. Le atacant se porta ite te area, le defensur da La Val va in contrasto y ti porta demez la pala, mo l'arbiter fischia. Sepl es cuaji parè ince le rigore, mo al é ma bun da le devié en püch, nia assa por che le pal vá fora de porta.

Sön le 0 a 2 ess La Val na gran oportunité, le atacant se porta ite te area, mo impede passè ite a mez ulache al foss stè 3 sogadusc susc tirel te porta da na angolaziun imposcibla. Le tiro ne é nie prigorius.

San Laurënz é ince ciàmò bugn da fa le 0 a 3 sön na bela aziun che porta le atacant te area, cun en gran sinistro sön le palo lunch ne ti dal degüna oportunité a Sepl.

Ala fin dla partida él ciàmò San Laurënz che se fesc en gol instësc pon dí. En defensur ti pasa zoruch al portier, al lascia rimbalzè la pala che ti vá sura le cé fora, ia dedô vëgnel adalerch Florian y Alex che é bugn da ti tó la pala. Alex spizurëia ciàmò la pala te porta. Le gol dla bandier por La Val.

La partida se stlüsç jö insciö sön le 1 a 3 por San Laurënz.

Cun chisc trëi puné lascia sön trú resta La Val al 9. post cun na partida demanco, che vëgn recuperada chësc Mercui a La Val cuntra le Mühlwald dales 20:00.

□

La formaziun titolara: Kantioler Sepl, Castlunger Marco, Alton Alex, Tavella Jordan, Valentin

Elmar, Frenes Daniel, Sottara Stefan, Tschaffert Ivan, Verginer Franzi, Rubatscher Romeo y Frenes Micky.

□

Sostituziuns:

Sottara Freddy por Frenes Micky

Elzenbaumer Alex por Verginer Franzi

Sottara Werner por Castlunger Marco

Vallazza Paolo por Valentin Elmar

Por udèi i atri resultač drüca (ince di atri campionač ulache sogadusc da La Val süga para) drüca: [resultač](#)